

**სახელმწიფო შესყიდვების შესახებ
ხელშეკრულება N48**

ქ. ხაშური

20 მარტი 2017 წელი

ერთის მხრივ ხაშურის მუნიციპალიტეტი (შემდგომში - შემსყიდველი) წარმოდგენილი გამგებლის გიორგი გურასპაშვილის სახით და მეორეს მხრივ, (შემდგომში - მიმწოდებელი) წარმოდგენილი ინდივიდუალური მეწარმე უშანგი ქიტიაშვილის სახით, სახელმწიფო შესყიდვების შესახებ კანონმდებლობისა და მიმწოდებლის სატენდერო წინადადების საფუძველზე, NAT170002243 გამარტივებული ელექტრონული ტენდერის აუქციონის გარეშე ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“- ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს მომსახურებას ხელშეკრულების ფარგლებში.
- 1.6. „შესყიდვის ობიექტი“- ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ - NAT170002243 გამარტივებული ელექტრონული ტენდერის აუქციონის გარეშე სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

- 2.1. ხელშეკრულების ობიექტია: მუნიციპალიტეტის სოფლებში მცხოვრებთა სკოლამდელი ასაკის აღსაზრდელების უფასო მგზავრობის უზრუნველსაყოფად სატრანსპორტო მომსახურების შესყიდვა დანართი N1-ის მიხედვით (CPV კოდი: 60100000).
- 2.2. ხელშეკრულებით გათვალისწინებული მომსახურების აღწერა მოცემულია ტექნიკურ დავალებაში.
- 2.3. ტექნიკურ დავალებაში დაფიქსირებული ყველა მონაცემი, პარამეტრი, ვადები, ტექნიკური და სხვა პირობები, მხარეთა პასუხისმგებლობის ფორმები და სხვა წარმოადგენენ ხელშეკრულების პირობებს.

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს 3 432.00 (სამიათას ოთხასოცდათორმეტი) ლარს, დღგ-ს გარეშე.

4. შესყიდვის ობიექტის მიწოდების ვადა და ადგილი

- 4.1. შესყიდვის ობიექტის მიწოდების ვადა: ეტაპობრივად, ხელშეკრულების გაფორმებიდან 2017 წლის 31 დეკემბრამდე;
- 4.2. შესყიდვის ობიექტის მიწოდების ადგილი: ხაშურის მუნიციპალიტეტის ალის ადმინისტრაციული ერთეული.

5. ხელშეკრულების მოქმედების ვადა

- 5.1 ხელშეკრულება ძალაში შედის მხარეთა მიერ ხელმოწერისთანავე და მოქმედებს 2018 წლის 31 იანვრის ჩათვლით.

6. შესყიდვის ობიექტის მიღება-ჩაბარების წესი

- 6.1. შესყიდვის ობიექტის მიღება ფორმდება მიღება-ჩაბარების აქტით, რომელიც დადასტურდება შემსყიდველის მხრიდან 6.3. პუნქტით განსაზღვრული პირის/ების და მიმწოდებლის მიერ საამისოდ უფლებამოსილი წარმომადგენლ/ების ხელმოწერით;
- 6.2. მომსახურების გაწევის პარალელურად მიმწოდებელი ვალდებულია აწარმოოს განვლილი კილომეტრაჟის აღრიცხვის ჟურნალი, დადასტურებული ხაშურის მუნიციპალიტეტის ალის ადმინისტრაციული ერთეულის სკოლამდელი აღზრდის დაწესებულების N11 ალის საბავშვო ბაღის მენეჯერის დოღო გიგუაშვილის მიერ, რომელიც თან დაერთვება მიღება-ჩაბარების აქტს;
- 6.3. შემსყიდველის მხრიდან მიღება-ჩაბარების აქტზე ხელმოწერ პირს/ებს წარმოადგენს/ენენ ა(ა)იპ „ხაშურის სკოლამდელი აღზრდის დაწესებულებების - საბავშვო ბაღების გაერთიანების“ დირექტორი დავით ნოზაძე;
- 6.4 შესყიდვის ობიექტის მიწოდების პარალელურად მიმწოდებელი ვალდებულია უზრუნველყოს თანმხლები დოკუმენტაციის წარდგენა შემსყიდველისათვის საგადასახადო ანგარიშგაქტურა/სასაქონლო ზედნადები;
- 6.5. შემსყიდველის მხრიდან საგადასახადო ანგარიშგაქტურაზე/სასაქონლო ზედნადებზე ხელმოწერ პირს წარმოადგენს ა(ა)იპ „ხაშურის სკოლამდელი აღზრდის დაწესებულებების - საბავშვო ბაღების გაერთიანების“ დირექტორი დავით ნოზაძე;
- 6.6. ინტერესთა კონფლიქტის თავიდან აცილების მიზნით ხელშეკრულებაში შემსყიდველი მხარის წარმომადგენლები ხელის მოწერით ადასტურებენ, რომ მათი მონაწილეობა სახელმწიფო შესყიდვების შესახებ 2017 წლის 20 მარტის N48 ხელშეკრულებაში არ იწვევს ინტერესთა კონფლიქტს.

7. ხელშეკრულების ობიექტის ხარისხი

- 7.1. შესყიდვის ობიექტის ხარისხი უნდა შეესაბამებოდეს შემსყიდველის მოთხოვნებს.
- 7.2. შესყიდვის ობიექტს არ უნდა გააჩნდეს უფლებრივი ან/და ნივთობრივი ნაკლი, რომელიც აუარესებს მისი გამოყენების მაჩვენებელს.
- 7.3. შემსყიდველი ვალდებულია წერილობითი ფორმით დაუყოვნებლივ აცნობოს მიმწოდებელს ნაკლის აღმოჩენის შესახებ.
- 7.4. შეტყობინების მიღების შემდეგ მიმწოდებელი ვალდებულია შემსყიდველის მიერ მითითებულ ვადაში აღმოფხვრას არსებული დეფექტები საკუთარი ხარჯით.
- 7.5. ხელშეკრულების ობიექტის დეფექტების გამოვლენის შემთხვევაში, მიმწოდებელს დაეკისრება, როგორც ხელშეკრულების ობიექტის დეფექტების აღმოფხვრა საკუთარი ხარჯით, ასევე აღნიშნული დეფექტების შედეგად შემსყიდველისა და მესამე პირებისათვის მიყენებული ზიანის ანაზღაურება.

8. ანგარიშსწორების ფორმა

- 8.1. ანგარიშსწორება მოხდება უნაღდო ანგარიშსწორების წესით ეროვნულ ვალუტაში, ეტაპობრივად, ხელშეკრულებით გათვალისწინებული დოკუმენტაციის წარმოდგენიდან 10 (ათი) სამუშაო დღის ვადაში;
- 8.2. ანგარიშსწორება განხორციელდება მხარეთა მიერ ხელშეკრულებით გათვალისწინებული მომსახურების გაწევის შემდეგ გაწეული მომსახურების ღირებულების შესაბამისად ხელმოწერილი მიღება-ჩაბარების აქტის, თანდართული განვლილი კილომეტრაჟის აღრიცხვის ჟურნალიდან ამონაწერის და საგადასახადო ანგარიშგაქტურის/სასაქონლო ზედნადების საფუძველზე.

9. მხარეთა უფლება-მოვალეობანი

- 9.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.
- 9.2. შემსყიდველს უფლება აქვს:
- ა) განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.
- 9.3. შემსყიდველი ვალდებულია:
- ა) მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად.
- 9.4. მიმწოდებელს უფლება აქვს:
- ა) მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული პირობებით.

9. მიმწოდებელი ვალდებულია:

- ა) უზრუნველყოს ტექნიკურად გამართულ მდგომარეობაში მყოფი ავტოსატრანსპორტო საშუალებით (20+1 ადგილიანი) გადაადგილება;
- ბ) ავტოსატრანსპორტო საშუალებას უნდა მართავდეს კვალიფიციური და გამოცდილი მძღოლი, რომელსაც გააჩნია შესაბამისი კატეგორიის მართვის მოწმობა.
- გ) უზრუნველყოს ტექნიკურად გამართულ მდგომარეობაში მყოფი ავტოსატრანსპორტო საშუალებით მომსახურება და განახორციელოს მგზავრთა (სკოლამდელი ასაკის აღსაზრდელების) უსაფრთხო გადაადგილება.
- დ) მიმწოდებელმა უნდა უზრუნველყოს ყველა სატრანსპორტო ოპერაცია და პროცედურა (სათანადო დოკუმენტაციის მომზადება, სატრანსპორტო საშუალების გამართულ მდგომარეობაში ყოფნა, უზრუნველყოფილი ცეცხლმაქრით, სააფთიაქო ყუთით და ა.შ) მგზავრთა დროულად და უსაფრთხო გადაყვანისათვის;
- ე) უზრუნველყოს ხაზურის მუნიციპალიტეტის ალის ადმინისტრაციულ ერთეულში შემავალი სოფლების: დუმატხოვი, ახალუბანი, ქინძათი და მცხეთიჯვრიდან მგზავრების (სკოლამდელი ასაკის აღსაზრდელების) გადაყვანა სოფელ ალში საბავშვო ბაღამდე დილის საღამურდელ პროცესის დაწყებამდე (9:00 საათი) და მათი უკან გადაყვანა 17:00 საათზე, შემსყიდველის მიერ განსაზღვრული მარშრუტით, საერთო მანძილით 4 050 კმ ფარგლებში.
- ვ) მომსახურების გაწევის პარალელურად აწარმოოს განვლილი კილომეტრაჟის აღრიცხვის ჟურნალი;
- ზ) დროულად და კეთილსინდისიერად შეასრულოს ხელშეკრულებით ნაკისრი ვალდებულებები.
- თ) შემსყიდველს გაუწიოს მომსახურება წარმოშობილი მოთხოვნილების შესაბამისად.
- ი) დაიცვას ხელშეკრულებით გათვალისწინებული ყველა პირობა.

10. მხარეთა პასუხისმგებლობა ხელშეკრულების დარღვევისას

- 10.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.
- 10.2. თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.
- 10.3. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.
- 10.4. ხელშეკრულებიდან გასვლასთან და ზიანის ანაზღაურებასთან დაკავშირებით შესაბამისად გამოიყენება საქართველოს სამოქალაქო კოდექსი.
- 10.5. ხელშეკრულებით გათვალისწინებული ვალდებულების შესრულების ვადების დარღვევის შემთხვევაში, დამრღვევ მხარეს დაეკისრება პირგასამტეხლოს გადახდა ვალდებულების შესრულების ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0.02%-ის ოდენობით, იმ შემთხვევაში, თუ მიმწოდებლის მიერ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 0.2%-ს „შემსყიდველს“ უფლება აქვს შეწყვიტოს ხელშეკრულება.
- 10.6. შემსყიდველი უფლებამოსილია შეწყვიტოს ხელშეკრულება ხელშეკრულებით ნაკისრი ვალდებულებების შეუსრულებლობის შემთხვევაში.
- 10.7. ხელშეკრულებით ნაკისრი ვალდებულებების შეუსრულებლობის შემთხვევაში მიმწოდებელს ეკისრება პირგასამტეხლოს გადახდა განუხორციელებელი მომსახურების ღირებულების 10 %-ის ოდენობით;
- 10.8. ხელშეკრულების მოქმედების პერიოდში პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

11. ხელშეკრულების პირობების გადასინჯვის შესაძლებლობა

- 11.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.
- 11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.3. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.4. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

11.5. ხელშეკრულებაში პირობების ცვლილება ფორმდება დანართის სახით და წარმოადგენს ხელშეკრულების განუყოფელ ნაწილს.

12. ხელშეკრულების შესრულების შეფერხება

12.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ შეფერხების ფაქტის წარმოშობისას დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. წინააღმდეგ შემთხვევაში წინადადება არ განიხილება. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

12.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

13. ფორს-მაჟორი

13.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

13.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

13.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

14. დავები და მათი გადაწყვეტის წესი

14.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

14.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

15. ხელშეკრულების შესრულების კონტროლი

15.1. შემსყიდველი უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

15.2. ხელშეკრულების პირობების შესრულების კონტროლს შემსყიდველის მხრიდან განახორციელებს ა(ა)იპ „ხაშურის სკოლამდელი აღზრდის დაწესებულებების - საბავშვო ბაღების გაერთიანების" დირექტორი დავით ნოზაძე;

15.3. თუ შესყიდვის ობიექტი არ აკმაყოფილებს ხელშეკრულებით გათვალისწინებულ პირობებს, შემსყიდველი უფლებამოსილია ხელშეკრულების პირობების შესრულების კონტროლზე პასუხისმგებელი პირის ან/და პირების დასკვნის საფუძველზე მოითხოვოს არსებული ხარვეზების გამოსწორება. ხარვეზების გამოსწორებამდე, შემსყიდველი

უფლებამოსილია უარი თქვას ხელშეკრულებით გათვალისწინებული სანაცვლო ვალდებულებების შესრულებაზე, რის შესახებაც მიმწოდებელს ეცნობება წერილობით.

15.4. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.

15.5. გამოვლენილი დეფექტის ან ნაკლის აღმოფხვრასთან და კონტროლის ხელახლა განხორციელებასთან დაკავშირებული ხარჯების, ასევე მესამე პირის დაზიანებული ქონების ღირებულების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

16. სხვა პირობები

16.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

16.2. მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.

16.3. ხელშეკრულება შედგენილია ქართულ ენაზე, ოთხ ეგზემპლარად (სამი 'შემსყიდველს, ერთი 'მიმწოდებელს'), რომელთაგან თითოეულს აქვს თანაბარი იურიდიული ძალა და ინახება ხელმოწერა მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

16.5. ყველა დანართი და ხელშეკრულების დამატება, რომელიც ხელმოწერილია მხარეთა უფლებამოსილი წარმომადგენლების მიერ ითვლება ხელშეკრულების განუყოფელ ნაწილად და სავალდებულოა შესასრულებლად.

16.6. მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე. რეკვიზიტების ცვლილების თაობაზე მეორე მხარეს ეცნობება წერილობით.

16.7. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

17. მხარეთა იურიდიული მისამართები და რეკვიზიტები

შემსყიდველი:

ხაშურის მუნიციპალიტეტი

ქ. ხაშური, ტაბიძის ქ. N2

მიმღების დასახელება: ხაზინის ერთიანი ანგარიში

მიმღების ბანკი: სახელმწიფო ხაზინა TRESGE22

ა/ა GE24NB0330100200165022; საიდენტიფიკაციო კოდი: N243908848.

ხაშურის მუნიციპალიტეტის გამგებელი

გიორგი გურასპაშვილი

მიმწოდებელი:

ინდივიდუალური მეწარმე უშანგი ქიტიაშვილი

ქ. ხაშური, სოფ. ქინძათი

სს „ლიბერთი ბანკი“, LBRTGE22

ა/ა GE89LB0711182720728000, საიდენტიფიკაციო კოდი: N57001027979

ინდივიდუალური მეწარმე

უშანგი ქიტიაშვილი

გამარტივებული ელექტრონული ტენდერის აუქციონის გარეშე

NAT170002243

მუნიციპალიტეტის სოფლებში მცხოვრებთა სკოლამდელი ასაკის აღსაზრდელების უფასო მგზავრობის უზრუნველსაყოფად სატრანსპორტო მომსახურების შესყიდვა

შესყიდვის ობიექტის ტექნიკური დავალება

1. ხაშურის მუნიციპალიტეტის მიერ გამოცხადებული გამარტივებული ელექტრონული ტენდერის შესყიდვის ობიექტს წარმოადგენს: მუნიციპალიტეტის სოფლებში მცხოვრები სკოლამდელი ასაკის აღსაზრდელების უფასო მგზავრობის უზრუნველსაყოფად სატრანსპორტო მომსახურების შესყიდვა.
2. პრეტენდენტმა უნდა უზრუნველყოს ტექნიკურად გამართულ მდგომარეობაში მყოფი ავტოსატრანსპორტო საშუალებით (20+1 ადგილიანი) მომსახურება და განახორციელოს მგზავრობა (სკოლამდელი ასაკის აღსაზრდელების) უსაფრთხო გადაადგილება;
3. ავტოსატრანსპორტო საშუალებას უნდა მართავდეს კვალიფიციური და გამოცდილი მძღოლი, რომელსაც გააჩნია შესაბამისი კატეგორიის მართვის მოწმობა;
4. პრეტენდენტმა უნდა წარმოადგინოს შესაბამისი კატეგორიის მართვის მოწმობა;
5. პრეტენდენტმა უნდა წარმოადგინოს ავტოსატრანსპორტო საშუალების საკუთრების ან იჯარით ფლობის დამადასტურებელი დოკუმენტი.
6. პრეტენდენტმა უნდა წარმოადგინოს ინფორმაცია მომსახურების გაწევისათვის საჭირო ავტოსატრანსპორტო საშუალების შესახებ დანართი N1 შესაბამისად;
7. პრეტენდენტმა უნდა უზრუნველყოს ყველა სატრანსპორტო ოპერაცია და პროცედურა (სათანადო დოკუმენტაციის მომზადება, სატრანსპორტო საშუალების გამართულ მდგომარეობაში ყოფნა, უზრუნველყოფილი ცეცხლმაქრით, სააფთიქო ყუთით და ა.შ) მგზავრობა დროულად და უსაფრთხო გადაყვანისათვის;
8. პრეტენდენტმა უნდა უზრუნველყოს ხაშურის მუნიციპალიტეტის ალის ადმინისტრაციულ ერთეულში შემავალი სოფლების: დუმაცხოვი, ახალუბანი, ქინძათი და მცხეთიჯვრიდან მგზავრების (სკოლამდელი ასაკის აღსაზრდელების) გადაყვანა სოფელ ალში საბავშვო ბაღამდე დილის სააღმზრდელო პროცესის დაწყებამდე (9.00. საათი) და მათი უკან გადაყვანა 17.00. საათზე შემსყიდველის მიერ განსაზღვრული მარშრუტით საერთო მანძილით 4 050 კმ ფარგლებში.
9. პრეტენდენტი ვალდებულია მომსახურების გაწევის პარალელურად აწარმოოს განვლილი კილომეტრაჟის აღრიცხვის ჟურნალი.



ხელშეკრულება N48-ის დანართი N1

ცხრილი N1

N	სატრანსპორტო საშუალება	ადგილების რაოდენობა	რაოდენობა (კმ)	მომსახურების ღირებულება (1 კმ)	საერთო ღირებულება
1	2	3	4	5	6
1	ავტობუსი მერსედეს ბენცი	20 + 1	4 050	0.847408	3 432.00
ჯამი (დღ-ს გარეშე):					3 432.00

* შენიშვნა:

- ✓ მომსახურების გაწევა დამოკიდებულია სასწავლო პროცესის ხანგრძლივობაზე და განისაზღვრება ხელშეკრულების გაფორმებიდან 2017 წლის 31 დეკემბრამდე.
- ✓ მომსახურების გაწევის გრაფიკი განისაზღვრება ორი სვლა-გეზით ყოველ დღე დილის 9:00. საათზე და 17:00 საათზე უქმე და დასვენების დღეების გარდა.

შემსყიდველი:

ხაშურის მუნიციპალიტეტის
გამგებელი

გიორგი გურასპაშვილი



მიმწოდებელი:

ინდივიდუალური მეწარმე

უშანგი ქიტიაშვილი


ბ.ა.


ინფორმაცია ინტერესთა კონფლიქტის არ არსებობის შესახებ

ქ. ხაშური

20 მარტი 2017 წელი

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ინტერესთა კონფლიქტის თავიდან აცილების მიზნით ხელშეკრულებაში შემსყიდველი მხარის წარმომადგენლები ხელის მოწერით ვადასტურებთ, რომ მონაწილეობა სახელმწიფო შესყიდვების შესახებ 2017 წლის 20 მარტის N48 ხელშეკრულებაში არ იწვევს ინტერესთა კონფლიქტს.

დავით ნოზაძე



ა(ა)იპ „ხაშურის სკოლამდელი აღზრდის დაწესებულებების საბავშვო ბაღების გაერთიანების“ დირექტორი

დოდო გიგუაშვილი



ხაშურის მუნიციპალიტეტის ალის ადმინისტრაციული ერთეულის სკოლამდელი აღზრდის დაწესებულება N11 ალის საბავშვო ბაღის მენეჯერი